

# BUWAN NG WIKA

Aug 26, 2011

Newsletter

Ito'y ginanap sa Meralco  
fitness center, Lungsod  
ng Pasig

Ang hindi  
magmahal sa  
sariling Wika  
ay mas masahol  
pa sa malansang  
isda -

*Gen. Jose P. Rizal*

## PISTA NG CFA

Pagdiriwang ng Buwan ng Wikang Pilipino naganap noong Ika-26 ng Agosto.

Buong pamilya ay sa Fitness Center ng Meralco nagtungo, upang makiisa sa ginanap na mga palaro.

Apat na pangkat ang nabuo, bawat pamilya ay may kinabibilangang Angkan para sa mga laro.

Pula, puti, bughaw at dilaw ang mga kulay, tulad ng watawat ng Pilipinas sa pagdiriwang nagbigay kulay.





Pagsunod at Pananampalataya ginamit na paksa, sa pagdiriwang ng Buwan ng Wika.

Mahalagang matutunan ng bawat bata, upang pagbuklurin hindi lang ang pamilya kundi ang buong bansa.

Ang programa ay sinimulan, ng mag-aaral na si Nathaniel de Guzman. Kasama ang mga mag-aaral mula sa Ikalawang Baitang, sabay-sabay nagsiawit ng Lupang Hinirang.

Pasasalamat sa Diyos Ama, alay ng mga pamilya. Pamilya Macatol ang nanguna, anak na si Maurice John ang nagpakilala.

Sinundan ng mag-aaral na si Alex Mejia, na siyang kay Ginoong Rene Espinosa nagpakilala. Isang mensaheng nagbibigay inspirasyon, alay sa mga pamilyang naroon.

Ang programa naman ay pinangunahan, Ng mag-asawang Sol na si Ira at Arman. Ang mag-aaral na si Dana Candelaria, ay nagpahayag na "tunay na bagay na bagay si Tito Arman at Tita Ira".

Nanalo o natalo man, mas binigyang halaga ang pagkakaibigan.



Ang bawat Angkan ay ipinakilala, kapitan ng bawat pangkat sa harapan ng lahat ay nanguna.

Panunumpa ng mga Manlalaro sinambit ng bawat isa, bilang isang tunay na Pilipino, ipinagmalaking mayroon tayong disiplina.

Ito ay sinundan ng isang parada, pagkatapos mga palaro ay sinimulan na.

Magwalis ay di Biro para sa Kinder hanggang sa ikatlong Baitang, Ika-apat hanggang Ika-anim na Baitang, agawang panyo naman.



Mga larong Pinoy tunay na kakaiba, Taguang bato, pasahang niyog, kadang-kadang, sungka at marami pang iba.

Ang mga sigawan at tawanan ay musikang kay sarap pakinggan, nanalo o natalo man, mas binigyang halaga ang pagkakaibigan.



ang may akda -  
 Gng. Jen Bellosillo



Tunay na kay gandang pagmasdan ipinamalas na disiplina, hanggang sa pagpila sa pagkain ay kitang-kita. Pansit, turon, kakanin, tinapay, okoy, sago't gulaman at mga prutas na iba-iba, masayang pinagsaluhan at nagbigay kalakasan sa pangangatawan ng bawat isa.

Pasasalamat ang alay sa butihing mga magulang, ng mga mag-aaral mula sa Ikalawang baitang. Sa pagtugon sa paayayang sa mga Komite ay mapabilang. Sa CFA Team at mga Koordineytor naman, maraming salamat po sa oras na inilaan at ito sana ay nagdulot sa inyo ng kasiyahan.

Pasasalamat sa Diyos Ama, lahat ng papuri ay ialay sa Kanya. Isang matagumpay na pagsasama-sama, kasiyahan at pagkakaibigan baon sa pag-uwi ng bawat pamilya.

Hanggang sa muli nating pagkikita!

